




10⁴⁰ 1x2
PREDSJEDNIK KLUBA ZASTUPNIKA
STRANKE ZA BOSNU I HERCEGOVINU
MUAMER BANDIĆ
muamer.bandic@ks.gov.ba

BOSNA I HERCEGOVINA
FEDERACIJA BOSNE I
HERCEGOVINE
KANTON SARAJEVO
SKUPŠTINA KANTONA



PREDSJEDAVAJUĆEM SKUPŠTINE KANTONA SARAJEVO ✓
VLADI KANTONA SARAJEVO
MINISTRU KOMUNALNE PRIVREDE,
INFRASTRUKTURE, PROSTORNOG UREĐENJA,
GRAĐENJA I ZAŠTITE OKOLIŠA KANTONA SARAJEVO
DIREKTORU KANTONALNE UPRAVE CIVILNE
ZAŠTITE KANTONA SARAJEVO

Na osnovu člana 106., u vezi sa članom 212. i 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka), podnosim sljedeću

ZASTUPNIČKU INICIJATIVU

da Kantonalni štab civilne zaštite **hitno**, u skladu sa članom 27. Zakona o zaštiti i spašavanju ljudi i materijalnih dobara od prirodnih i drugih nesreća, tačke 8), kojom je propisano da se na prijedlog kantonalnog štaba civilne zaštite proglašava stanje prirodne i druge nesreće na području kantona i naređuje upotreba snaga i sredstava civilne zaštite, organa uprave, privrednih društava i drugih pravnih lica sa područja kantona na prevenciji, ublažavanju i otklanjanju štetnih posljedica po ljude i materijalna dobra, predloži Vladi Kantona Sarajevo da proglasi stanje prirodne i druge nesreće, kako bi se na vrijeme preduzele mjere zaštite i spašavanja od snježnih padavina, poplava, klizišta i drugih nesreća, u cilju zaštite života građana, njihove imovine i drugih materijalnih dobara.

O B R A Z L O Ž E N J E

Uzimajući u obzir činjenicu da se radi o donošenju hitnih odluka izazvanih obilnim snježnim padavinama, te činjenicu da Skupština Kantona Sarajevo trenutno ima dvije otvorene radne sjednice (27. i 28.), postupajući u skladu sa članom 2. alineja 3. i članom 106., a sve u vezi sa članovima 212. i 213. Poslovnika Skupštine Kantona Sarajevo, pokrećem inicijativu da Kantonalni štab civilne zaštite predloži Vladi Kantona Sarajevo donošenje odluke o proglašenju stanja prirodne nesreće na području Kantona Sarajevo, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća.

Da Vlada Kantona Sarajevo, prihvati takav prijedlog, donese odluku o proglašenju stanja prirodne nesreće usljed snježnih padavina, te da se iz faze izdavanja preporuka pređe u fazu izdavanja naredbi,

kako bi se na vrijeme preduzele preventivne mjere zaštite i spašavanja od snježnih padavina, poplava i klizišta.

Uzimajući u obzir da je Štab civilne zaštite Kantona Sarajevo na jučerašnjoj sjednici donio preporuke za provođenje mjera zaštite i spašavanja usljed mogućih obilnih padavina, zasnovane na upozorenjima Federalnog hidrometeorološkog zavoda o obilnim padavinama, kao i na upozorenjima i preporukama Federalne uprave civilne zaštite za provođenje mjera zaštite i spašavanja usljed najavljenih ekstremnih padavina, te da se, prema prognozama Federalnog hidrometeorološkog zavoda, i u narednom periodu na području Kantona Sarajevo očekuju obilne snježne padavine koje mogu prouzrokovati naglo topljenje snijega, a posljedično i bujične poplave i klizišta, kao i činjenicu da kantonalna komunalna javna preduzeća nemaju adekvatnu mehanizaciju i da, uprkos najboljoj volji, spremnosti i nadljudskim naporima zaposlenika, komunalna javna preduzeća i druge nadležne kantonalne institucije, u okviru obavljanja redovnih javnih usluga, nisu materijalno-tehnički u mogućnosti osigurati funkcionisanje vitalnih funkcija društva na području Kantona Sarajevo.

Imajući u vidu da takvo stanje posebno ugrožava zdravlje građana koji imaju svakodnevnu potrebu za ljekarskim uslugama, kao i građana starije životne dobi koji imaju potrebu za nabavkom lijekova i terapije, a čije je kretanje otežano i onemogućeno trenutnim usovima, postupajući u cilju zaštite svih građana, njihove imovine i drugih materijalnih dobara, smatram nužnim hitno razmatranje predmetne inicijative i hitno izjašnjavanje nadležnih organa o donošenju potrebne odluke.

PREDSJEDNIK KLUBA
ZASTUPNIKA STRANKE ZA BIH

06.01.2026. godine